



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Ecclesiae Mediolanensis

Actorvm Ecclesiae Mediolanensis, Pars Tertia - In Qva, Liber Memorialis Ad
populum Ciuitatis, & Dioecesis Mediolanensis, A Beato Carolo Borromaeo
Titvli Sanctae Praxedis compositus continetur

Borromeo, Carlo

Brixiae, 1603

Instantia Promotorum contra Episcopos non residentes.

urn:nbn:de:hbz:466:1-10502

Reuerendiss. D. Episcopi Casalensis legitime ad hanc sanctam Synodum vocati & absentis excusationes & causas absentiae per eius Procuratores allegatas reijcimus; eiq; assignamus peremptorium terminum ad comparendum secundum da feria coram nobis in congregatione publica Synodali hora 21. illius diei, quae erit Maij 21. futura; alioquin contra eum ad instanti RR. D. D. Promotorum Synodali, prout iustum fuerit, procedemus, illo amplius non expectato, nec citato nisi per edicta ad valuas nostri Palatii Archiepiscopalis.

Reuerendiss. D. Episcopi Vercellenfis absentis, & per Procuratorem in Synodo hac Prouinciali coram nobis legitime comparerit, causas absentiae propter legationem apud Casarem Maiestatem Nuncij Apostolici, vti notorie constat, absentiam probamus & excusamus, eiusque R. D. Procuratorem ad recipiendum acta & decreta quae in hac Sancta Synodo statuentur, eisque subscribendum, admittendum esse declaramus & admittimus.

Reuerendiss. D. Episcopi Laudensis Nuncij Apostolici apud S. Cath. Reg. Maiestatem in Hispania absentis, & per procuratorem in Synodo hac Prouinciali coram nobis legitime comparerit, causas absentiae probamus, & excusamus, terminumque sex mensium ad acceptandum, & subscribendum, per se vel procuratorem, admittendum esse declaramus & admittimus.

Reuerendiss. D. Episcopi Saonenfis absentis apud Auenionem pro negotijs Sanctissimi D. N. Papae, & Sanctae Sedis Apostolicae agentis, causas absentiae probamus & excusamus, terminumque quatuor mensium ad acceptandum decreta, & eis subscribendum, per se vel per procuratorem legitimum, praefigimus & assignamus.

Reuerendissimi D. Episcopi Placentini legitime ad hanc sanctam Synodum vocati & absentis excusationes, & causas absentiae probamus, & ei terminum quatuor mensium ad acceptandum decreta Concilij huius, & subscribendum, per se vel per procuratores statuimus.

Reuerendiss. D. Episcopo Albigaunensi absentis, & nec per se, nec per procuratorem legitimum comparerit, peremptorium terminum quinque mensium assignamus, ad causas iustas probandum, & ad allegandum quidquid allegare potest & intendit, & decreta huius Synodi acceptandum, & eis subscribendum.

Reuerendiss. D. Episcopi Nouariensis absentis, & visitatoris Apostolici in Ciuitate & Dioecesi Ianuensi absentiam probamus & excusamus, eiusque procuratorem ad recipiendum acta & decreta, quae in hac Sancta Synodo statuentur, eisque subscribendum, admittendum esse declaramus & admittimus.

Reuerendiss. D. Episcopus Auenensis probet legitime iustas suae absentiae causas, vel compareat personaliter in hac Synodo ante finem eiusdem Synodi; alioquin cum eo iuxta sacrorum canonum & Conciliorum, praesertim Tridentini dispositionem, Instantibus RR. D. D. Promotoribus Synodalibus agatur.

His absolutis, Reuerendi Promotores pro munere sui ratione contra Episcopos non residentes coram Illustriss. Metropolitanis institerunt.

Instantia Reuerendorum Promotorum contra Reuerendissimos Episcopos non residentes.

Illustrissime ac Reuerendiss. Metropolitanis. Sacrosanctis Tridentinis decretis sancitum est, Omnes Metropolitanos, & Cathedralibus Ecclesijs quouis titulo praefectos, qui sine legitima causa, a Beatissimo Romano Pontifice, aut a Metropolitano, vel eo absente a suffraganeo Episcopo antiquiori residente, in scriptis approbanda, ab ecclesijs eorum regimini commissis, ultra duos, vel ad summum tres menses, etiam interruptos absuerint, poenis & mulctis in ea oecumenica Synodo sancitis puniri & mulctari. Quare nos huius sanctae Synodi prouincialis promotores, pro executione decretorum, ac pro nostri officij munere, requirimus, & instamus omnes & quoscunque Episcopos huius Prouinciae, qui ab ecclesijs sibi commissis absuerint singulis annis ultra

ultra tres menses, etiam interruptos, sine causa legitima; vel si legitima, non tamen a Beatissimo summo Pontifice, vel ab Illustriss. Amplit. tua approbata, & absentiae facultas data sit, in praemissis poenis ad praescriptum decretorum mulctari & puniri: necnon instamus, vt Illustriss. Amplit. tua, ad quam cum Concilio hoc Prouinciali sexto spectat, de licentijs etiam a suffraganeo datis iudicet, ad praescriptas illas duas sanctiones Concilij Trident. in sessione sexta, & vigesimatertia, capite primo relatas, quas sanctiones exhibemus.

Lectumque fuit decretum Conc. Tridentini.

Illustriss. Metropolitanus super petitis & propositis per RR. Promotores causa non residentium Episcoporum ita decreuit.

Decretum de residentia Episcoporum.

Decernimus, de Episcoporum, qui ultra tres menses, siue continuos siue interruptos, a residentia absuerint contra praescriptum Concil. Trid. absentia huiusmodi inuestigari, & ex sacrorum canonum iure, praesertimque ex praescripto illorum decretorum agi.

Insuper RR. Promotores, in proposita materia residentiae Episcoporum insistente, institerunt contra canonicos non referentes Illustrissimo Metropolitana de absentia Episcoporum a suis ecclesijs.

Instantia Reueren. Promotorum contra Canonicos non referentes absentiam Episcoporum.

Illustrissime & Reuerendissime Metropolitanae, Instamus praeterea tres primos de capitulo cuiuscunque Ecclesiae Cathedralis huius Prouinciae, qui Illustrissimam Amplit. tuam, de absentia, & de tempore absentiae Episcoporum Prouincialium qui absuerint, non monuerunt, mulctari ad praescriptum Concilij Prouincialis primi; Ac propterea iam nunc petimus atque instamus, literas contra eos decerni, ad afferendam causam, quare ad eiusdem Concilij praescriptum mulctari non debeant.

Decretum contra Canonicos non denunciantes absentiam Reuerendissimorum Episcoporum.

Decernimus contra eosdem de capitulo, literas opportunas, & vt iuris fuerit, contra eosdem ex praescripto primi nostri Concilij Prouincialis agi.

Postremo Reuerendi Promotores, ad quorum aures peruenit de inobseruantia decretorum, quae ad reformationem disciplinae ecclesiae, & ad corruptos mores populorum componendos pertinent, ac item de abusibus plurimis, qui quotidie in hac Prouincia Mediolanensi pullulant; super his memorialia confecerunt, ac Illustrissimo Metropolitana exhibuerunt, vt conciliaribus sanctionibus ijs incommodis opportunè consuleretur.

Illustriss. Metropolitanus acceptis animaduersionibus RR. Promotorum exhibitis, vna cum mox recitata instantia, vt congregatio de more concluderetur, mandauit ad praescriptum tabellae; & ordinis in superioribus seruati, omnes sigillatim vocari. Vocati igitur fuerunt per Cancellarium distinctè & sigillatim: & cum nullus comparuisset, Illustriss. D. statim gratiarum actionem egit, & congregatio dimissa ac absoluta est.

Sessio secunda.

IN nomine Domini, Anno a Natiuitate eiusdem millesimo quingentesimo octuagesimo secundo, feria quinta, decimasextima mensis Maij, Indictione decima, Pontificatus Sanctissimi D.N.D. Gregorij Papae decimi tertij anno vndecimo.

Illustrissimus & Reuerendissimus in Christo pater & D.D. Carolus &c. Sessionem secundam Concilij Prouincialis sexti in superiori prima sess. indictam, infra scriptis Reuerendiss. Episcopis Reuerendo Capitulo, ac clero vniuerso Metropolitanæ comitantibus, summo mane, hora scilicet nona, Cappa rubra Pontificali indutus, ad Basilicam Metropolitanam accessit: perorataque istata prece,